

# حرید علیہ

مشیت جلیلہ اسلامیکہ حریدہ رسیہ پیدر

صفر ۱۳۳۷

عدد: ۴۰

آیدہ بر نشر اولنور

دوبجی سنہ

دولت علیه عثمانیه ایله دول ائتلافیه بیننده منعقد متار که نامه

انکلتره حکومتک متفقاریله بالا ائتلاف صلاحیتدار قیلدینی انکلتره حکومتی بحر سفید دونانماسی باش قوماندانی فریق آمبرال سیر سومرئت آرتور غووغ غاطورپ حضرتلری ایله حکومت سینه جانبدن حائر صلاحیت بحریه ناظری دولتلو رؤف بک اقدی حضرتلری، خارجیہ مستشاری عطوفتلو رشاد حکمت بک اقدی حضرتلری ارکان حرییه عمومیہ قائممقاملرندن سعده بک اقدی آره سنده قرارلاشدیریلوب عقد ایدیلن متار که شرائطی :

ماده : ۱ بحر سیاهه مرور ایچون چناق قلعه و بحر سیاه بوزالزینک کشادی و بحر سیاهه مرورک تأمین چناق قلعه و بحر سیاه استحكاماتک متفقلر طرفندن اشغالی .

ماده : ۲ عثمانلی صولرنده کی بالجله طور بیل تارالاری ایله طور بیدو وقووان مواضی وموانع سائرہ مواقعی کوستریله جک وبونلری طرامق و یارفع ایتک ایچون طلب وقوعنده معاونت ایدیله جکدر .

ماده : ۳ قره دکزده موجود طور بیل موقطلری حقنده کی معلومات موجوده اعطا ایدیله جکدر .

ماده : ۴ ائتلاف حکوماتنه منسوب اسرای عربیه ایله ارمنی اسرا و موقوفینی استانبولده جمع ایدیله جک و بلا قید و شرط ائتلاف حکومتلرینه تسلیم اولنه جکدر .

ماده : ۵ حدودلرک محافظه سی و آسایش داخلینک ادامه سی ایچون لزوم کوریه جک قوای عسکریه دن ماعداسنک در حال ترخیصی ( اشو قوای عسکریه نك مقدار و وضعیتلری ائتلاف حکوماتی طرفندن دولت علیه ایله مذاکره ایدلد کدن صوکره تقرر ایتدیریله جکدر . )

ماده : ۶ عثمانلی قره صولرنده ضابطه و بوکائمال خصوصات ایچون استخدام ایدیله جک سفائن صغیره مستتا اولمق اوزره عثمانلی صولرنده ویا دولت علیه طرفندن اشغال ایدیلان صولرده بولنان کافه سفائن حرییه تسلیم اولنوب کوستریله جک عثمانلی لیمان ویا لیمانلرنده موقوف بولندیریله جکدر .

ماده : ۷ متفقلر امنتلر تهدید ایدله جک وضعیت ظهورنده هر هانکی سوق الجیش نقطه سنی اشغال حقنی حائر اوله جکدر .

ماده : ۸ اليوم عثمانی اشغالی آلتند بولنان بالجله لیان و تیمور محللرندن اشتلاف سفائی طرفندن استفاده ایدلسی و اشتلافه حال حربده بولنانلره قارشى مسدود بولندیرلسی . سفن عثمانیه ده تجارت و ازدونك ترخیصی خصوصاً سمرند شرايط مائله دن استفاده ایده جککردر .

ماده : ۹ اشتلافیون عثمانی ترسانه و لیانلرنده کی عموم سفائن تمیراتی و سائط تسهیله سنی استعمال ایده جککردر .

ماده : ۱۰ طوروس تونلرینك متفق طرفندن اشغالی .

ماده : ۱۱ ایرانك شمال ضربی قسمنده کی قوای عثمانیه نك در حال حربدن اولکی حدود کریسنه جلبی خصوصنده اولجه اعطا ایدیلن امر اجرا ایدیه جکدر . ماورای قفقاسك اولجه قوای عثمانیه طرفندن قسماً تخلیه سی امر ایدلر کندن قسم متباقیسی متفق طرفندن وضعیت محلیه تدقیق ایدیلر ك طلب اولنورسه تخلیه ایدیه جکدر .

ماده : ۱۲ حکومت مخبراتی مستثنا اولق اوزره تلسز تلغراف و قابولورك اشتلاف مأمورلری طرفندن مراقبه سی .

ماده : ۱۳ بحری ، عسکری و تجاری مواد و مالزمه نك منع تخریبی .

ماده : ۱۴ مملکتك احتیاجاتی تطمین اولندقدن صکره متباقی کوره ، مایع محروقات و بحری لوازمك ترکیا منابندن مبیاعه سی ایچون تسهیلات ابرازی ( مواد مذکور نك هیچ بری اخراج اولنیه جقدر . )

ماده : ۱۵ بالجله خطوط حدیده یه اشتلاف مراقبه ضابطلری مأمور ایدیه جکدر . بولنر میاننده اليوم حکومت عثمانیه نك تحت مراقبه سنده بولنان ماورای قفقاس خطوط حدیده سی اقسامی داخلدر . اشبو قفقاس خطوطی سر بست و تام اوله رق اشتلاف مأمورلرینك تحت اداره سنه وضع ایدیه جکدر . اها لینك احتیاجك تطمین نظر دقه آله جقدر . اشبو ماده ده باطومك اشغالی داخلدر . حکومت عثمانیه با کونك اشغاله معترض بولنیه جقدر .

ماده : ۱۶ حجازده ، عسیره ، یمنده ، سوریه ده و عراقده بولنان محافظ قطعات اك یقین اشتلاف قوماندانه تسلیم اولنیه جقدر و کلیکیده کی قوتلرک انتظامی محافظه ایچون مقتضی مقدارندن ماعداسی بشنبی ماده ده کی شرايطه توفیقاً تقرر ایتدیریه جک وجهله کیر و چکیلر جکدر .

ماده : ۱۷ طرابلسده وبنغازیده بولنان عثمانلی ضابطلری الیقین ایتالیان محافظه قطعاتنه تسلیم اوله جقدر . حکومت عثمانیه تسلیم امرینه اطاعت ایتدکاری تقدیرده مخابرات ومعاونتی قطع ایتدکی تمهد ایلر .

ماده : ۱۸ مصر اطده داخل اولدینی حالده طرابلس و بنغازیده اشغال ایدیلن لیمانلرک الیقین ائتلاف محافظه قطعاتنه تسلیمی .

ماده : ۱۹ آلمان آوستریا بحری ، بری وسویل مأمورین وتبعه سنک بر آی ظرفده واوزاق محله بولنانلرک بر آیدن صوکره ممکن اولان الک قیصه زمانده ممالک عثمانیه یی ترک ایتملری .

ماده : ۲۰ بشنجی ماده موجینجه ترخیص ایدیله جک قوای عثمانیه یه عائد تجهیزات اسلحه جیخانه ووسائط نقلیه نک طرز استعماله دائر اعطا ایدیله جک تعلیماته رعایت اوله جقدر .

ماده : ۲۱ مؤتلفلرک منافعی صیانت ایچون اعاشه نظارتی تزدینه ائتلاف ممللری مبربوط بولن جق وکمدیلرینه بو بایده لزوم کوزیله جک کافه معلومات اعطا ایدیله جکدر .  
ماده : ۲۲ عثمانلی اسرای حربیه یی ائتلاف دولتلری تزدنده محافظه ایدیله جکدر سویل اسرای حربیه ایله اسنان عسکریه خارجنده اولانلرک تخلیه سی نظر دقتسه آله جقدر .

ماده : ۲۳ حکومت عثمانیه مرکزی حکومتلرله بالمله مناسباتی قطع ایده جکدر .  
ماده : ۲۴ ولایات ستده اغتشاش ظهورنده مذکور ولایتلرک هر هانکی بر برقسمنک اشغالی حقی ائتلاف دولتلری محافظه ایدرلر .

ماده : ۲۵ متفقلرله حکومت عثمانیه آره سنده مخاصمات ۱۹۱۸ سنه سی تشرین اولنک اوتوز برنجی کونی وسطی ساعت محلی ایله وقت ظهرده تعطیل ایدیله جکدر .  
انکلتره حکومت قرالیه سی سفائن حربیه سندن لیمیده مودروس لیماننده لنگرانداز آغا منون زره لیسنده ۱۹۱۸ سنه سی تشرین اولنک اوتوزنجی کونی نسختین اوله رق امضا ایدلشدر .

امضا

سردار رشاد حکمت حسین رؤف آرتور غالطورپ